

Muossvia en cass da mortoris



**per las pleivs
Falera e Laax**

Avrel 2017

Informar

en cass d'in mortori a casa (ni en vischnaunca)

- Clamar il miedi da casa per schar constatar la mort.

en tuts cass da mortori:

- Orientar ils tierparents (igl ei d'avantatg da semtgar gia ordavon ina gliesta d'adressas e numeras da telefon).
- Orientar la calustra e secunvegnir pervia dil tucchar da miert.
- Orientar il plevon (081 921 41 12) ed informar sur dalla fuorma da sepultura giavischada (vischi ni urna), sco era fixar il termin da sepultura e rusaris (Laax: viaspras da morts).

Vestgir

- Procurar pil resti e vestgir il/la defunctA: entras ils da casa, Spitex ni entras il survetsch da sepultura.

Vischi

- Crusch e vischi dil/dalla defunctA vegnan empustai entras il survetsch da sepultura: ABAS survetsch da sepultura, Sefi Decurtins, Glion (081 286 92 11) ni in auter survetsch da sepultura.

Annunzia da morts

Per che l'annunzia cumpari ad uras fa quei prescha!

- L'annunzia per la publicaziun en las gasettas grischunas (La Quotidiana, Südostschweiz, Bündner Tagblatt) sa vegnir tschaffada sin www.abschied-nehmen.ch ni per telefon tier Somedia Promotion, Cuera (081 255 58 58).
- Sin giavisch segida la Somedia tier la formulaziun e translaziun dil text. (Impurtontas indicaziuns ein: il gi, il liug e las uras da sepultura ed ils numms dils parents).

Transport

naven da casa ni naven dil spital en caplutta:

- Coordinar il termin cun il survetsch da sepultura e cul plevon.
- La bara vegn retschevida a Falera avon baselgia parochiala, a Laax avon Casa pervenda (per ordinari entras il plevon allas 17.00 uras).
- Procurar per quels che gidan a purtar la bara.

Carner

- Il carner stat a disposiziun per tuts e tuttas defunctAs dalla vischnaunca (da tuttas confessiuns e religiuns).
- La pleiv metta a disposiziun: parlet d'aua benedida, candeilas ed ina scuffetta per condolientschas.
- La calustra (ni persuna ch'ei responsabla) sto vegnir orientada cu ins vegn cun la bara e sur dallas unziuns che vegnan fatgas en baselgia.
- La famiglia en malencurada survegn ina clav per arver e serrar il carner.

Sepultura

- La liturgia da sepultura vegn preparada ensemen cun il plevon che sesprova ton sco pusseivel da risguardar ils giavischs dalla famiglia en malencurada.
- Ils tierparents ein supplicai da far gia ordavon lur patratgs e notizias pil cuors dalla veta (impurtonts datums, eveniments specials, professiun e lavur, famiglia, duns specials, particularitads persunalas e.a.v.).
- Sclarir giu, tgi che prelegia il cuors dalla veta en baselgia (plevon ni enzatgi dalla famiglia).
- Organisar ils 4 porta-bara (per l'urna ina persuna) pil gi da sepultura, sco era il purtar flurs e tschupials.
- Informar il plevon tgei ch'ins vul schar comunicar alla fin dil survetsch divin funeral, p.ex. tgi ch'ei envidaus al past da bara e nua che quel ha liug.

Santeri

- Il cavar e cuvierer la fossa ei caussa dalla vischnaunca.

Messa dil tierz

- Il termin per la messa dil tierz (ca. in meins suenter la sepultura) vegn fixaus ensemen cul plevon e publicaus el Fegl official dalla Surselva.

Messa fundada

- In temps suenter la sepultura contactescha igl uffeci parochial la famiglia per dumandar sch'ei vegn giavischau da far ina messa fundada per il/la defunctA. Ina tala messa vegn legida per 20 ni 25 onns e cuosta CHF 400.- resp. CHF 500.-.

Cass special

- Per la sepultura da persunas ch'ein extradadas dalla Baselgia ei sulettamein la vischnaunca responsabla. Tgi che extrescha dalla Baselgia desista numnadamein era d'ina celebraziun liturgica a caschun da sia sepultura.